

# **Kayëte mba Pol nte kerëhnëka Tit Wade yehëhna hnë inji kayëte**

Tit, ale wok gena sëwif, arëfëlënta Afayik Pol hnë ðoku hna yeho. Pol kerëk inji kayëte ndampo fo gë kayëte ndënkwëryënkw mba Timote ña, mpëd hnë bëhn wafëhw imbëd g'iryaw g'imbëd (65) hna ga ndëcëk hnagi Yesu ÿa. Mpëd Masedëwan hna nkeho do Tit hnë tinti mbë wov le ÿak naÿëk do wacik Këret vë Gëres hna, nkeho. Pol hnam tavëkawo soñe tëhnahni vëvë haryënkw fagant vële hwëtahnëk. Had kayëte ndënkwëryënkw mba Timote hna, Pol ankeya nte rëfëka soñe ayehahn avë haryënkw nësëd. Ankaband gante tëfëka ntiyini vëharan wamër va. Do nësëd hak tëfëka karanjini anech-wo-nceh hnë cery sali hna.

Wëlin wanës wakwëhn nafa hn'inji kayëte: toña, tëfëka, ikaran, wanës, ikwëtahn, nkeya, satah, Afehët, ipërëna.

Wëlin gante nke kayëte ka:

Pol Tit kerëhnëd (1.1-4)

Ðoku Tit hnë Tinti Këret hna (1.5-9)

Vëharan vëwër va (1.10-16)

Ikaran anech-wo-nceh hnë cery sali (2.1-16)

Ankeya vële hwëtahnëk (3.1-15)

*Pol Tit kerëhnëd*

<sup>1</sup> Ami Pol, ayohal Wën do afayik Yesu Këris herëd ani kayëte. Wënu ña hwëtehnañeko yojëwëhni hnë kwëtahn hna vële tëhnak va do yëtëndanëwëhni toña le rëfëlëk gë ankeÿa nte nëñëdëha. <sup>2</sup> Toña rac njëtëndanëdëhëhni nuÿani uwám usër. Wënu ña, ale wok mërëdina, ntehnëk njëdadëhëfu uwi wám usër kobëri wapëgwa hna. <sup>3</sup> Wën Afehët alëw fu gë wanës wadëwu ña njëtëndanëk, hnë wati le tëfëkawo hna, hnë wafay wale hwëtehnañibuho wã pëyahnebuho gante ntehnëkowo ka.

<sup>4</sup> Tit, wëjë herëhnëryidëfu, ajë mën paryi hnë ikwëtahn nte varëlehnëkëfu hna: Arabi Wënu ña Rëm ÿa gë Yesu Këris Afehët fu ÿa ndëwanihi do njëdënihi yam ÿa.

### *Doku Tit Tinti Këret hna*

<sup>5</sup> Tavëmi Këret hna soñe afadën doku le wojëk ÿa. Hnë cery sali-wo, kwëtëryihni vicër had gante ntehnëmino ka. <sup>6</sup> Avë haryënkwa a tëfëka cat do ñëla asëval aryampo fo, vutahu va tëfëkëhni nkeni vële hwëtahnëk, do tëfëlahna njëtahnini had vële hwëhnañak nkeya meh, ma ñwëÿëhnëndënihëhni vële hnagëkëhni va. <sup>7</sup> Kabi ale ye ankaf hnë cery sali hna, umë hwëtehnañnik viÿë Wën va, tëfëlahna kwëhna ile niradë, tëfëlahna njafëhni vëÿëntaw va, antë njanca ntavah, antë nke aryëw, antë njap, antë njëkëlehnënd hnapul gë rumpak. <sup>8</sup> Tëfëka kol kaca vëhneh ña do ñand ile yivëk ÿa, kwëhna hakili, cat, do pac, njët nkaf ntëwu ña. <sup>9</sup> Tëfëka njawën d'us wanës wacatah ikwëtahn ña, wante rëfëlëk gë wante karañëdëni vahnë ña. Koyëna

kod kamënaŷehnëndëhni vëŷëntaŷ va gë ikaraŋ pacah nte karaŋëdëhëhni ŋa do tufëhni vële wajeđëha va idënt dëŷ hni ŋa.

### *Vëharaŋ vëŷër*

<sup>10</sup> Ha, vahnë vëyabah vëlënënëđina, do dënk hnë wasëwif vëryaŷ vële hwëtahnëka Këris va. Tokađënihëhni vahnë va gë wanës wadëŷ hni wakwëhn nafa këm ŋa. <sup>11</sup> Afo aryemëhnayehnëhni, kabi fop cëvëđ ikwëtahn dëŷ hni hnë watere wadaŷ. Ile wok caŋëna ŷa karaŋëdënihëhni soŋe nuŷahnëni hnapul le wok pacëna. <sup>12</sup> Aryampo hnë vëhni, kila lëŷ hni, lehnëk: «Vëvë Këret va vëŷër kwëlëkwël ye, wulaŷ wuyapah, vëhëmak vële hnahađ roka fo ye.» <sup>13</sup> Do fop ile nësëđ ŷa toŋa ye. Soŋe umë ye niraryihni g'injañënah, kwëhnahnëni ikwëtahn catah, <sup>14</sup> soŋe antë nko tëfëni wëhnantul wasëwif wale wok gena toŋa do gë vakwëđa vahnë vële ravëk toŋa. <sup>15</sup> Ge walaŷary hni ŷa gë vinahan hni va pacëk ile-wo-le ntidëni ŷa ifacah yed; bare ñoñ pacëna hnë vële wok vëfacëna va do wok vëhwëtahnëna va. Wahakili walëŷ hni ŷa gë vinahan vidëŷ va ni va përekak. <sup>16</sup> Ntehnëđëni njëtëniha Wënu ŋa, bare gante ntidëni ki gwajëtehnëđëniha. Vahnë vëweh ye do vële wëŷëndëha do kodina ntini iñë fërën.

## 2

### *Ikaranaŋ anëch-wo-nëch hnë cery sali*

<sup>1</sup> Bare wëjë, karaŋëryind g'ile rëfëlëk gë ikaraŋ catah ŋa. <sup>2</sup> Dehnëryihni vicër va njëtëni vankaf vantëŷ hni va, nkeni vële lënënik, vële

seryëk, vële yawëk hn'ikwëtahn hna, hn'injahn hna do hn'idufuëna hna.

<sup>3</sup> Vanëm va fëna, dehnëryihni kwëhnani vankeya vahnë véfacah. Tëfëlähnihna nëwëndëni do antë dëcëtandëni uñen ña. Tëfëkëhni njëdahnëndëni siyab fëren;

<sup>4</sup> tëfëkëhni ñañëndënihëhni vësëval va ñahnënihëhni vësan hni gë vutah hni, <sup>5</sup> nkeni vële seryëk do facëk, pabëni watere wadëw hni ña; nkeni vële fërenak do mawëhnënihëhni vësan hni, soñe antë ahnë kol njewë wanës Wënu ña.

<sup>6</sup> Vëjar va fëna gabëryihni gante nkehandëni vëseryah. <sup>7</sup> Hnë ile-wo-le, gery wëjë dënk ale rëfëtalahnëde gë viyë vifëren vile lidu va. Afo nke ikarañ toña do iceryah, <sup>8</sup> wanës hu ña nke wacatah wante wok kodena nkwaji, soñe cëfëhnahnëhni vële wajëtehnëdëhi va kabi vëhnuyana wëla uweh ule nësëdëni soñe lëw fu.

<sup>9</sup> Vëramp va tëfëkëhni mawëhnënihëhni vële rampëkëhni va hnë ile-wo-le hna, njëkëlehnëni ntindëni vile hnëjëdëhëhni. Tëfëlähnihna nkwajëtehnëndënihëhni <sup>10</sup> ma ntehnënihëhni. Afo tufahnëndëni kwëlëkwël ikahnënda padah, gante ntënëahnëdëni fop ikarañ Wën Afëhët fu ya.

<sup>11</sup> Ha, Wënu ña tufahnëk ipërëna dëwu, hn'ile matik ufëh soñe vahnë fop. <sup>12</sup> Inj përenä karañëdëhëfu tavin ile wok dënënedina Wën do iña viyë vëweh duniya, më hodën njasënden, hnë wati vë gaki yi, uwám hwëhn toña, g'usatah, do hahnëndak haryënkW Wën hna, <sup>13</sup> napatënden g'itama fac le ryëwayik, do

cahahnifu icëmb Wën sankaf fu, Afehët fu, Yesu Këris. <sup>14</sup> Njëdahnëk ntaŵary dëŵu ŋa soŋe fu, pehëtahnëfu hnë fop wameh hna. Ñadëho ntifu bulunda facah, bulunda le kwëhnëk umë, le hahnëndad kwëlëkwël soŋe idi viŷë vifërën.

<sup>15</sup> Watac ye wante rëfëka aharaŋëhni vahnë va, soŋe ayabëhni ma ahnirahni g'untënah hu ŋa fop. Wëla aryampo antë njafaŋi.

### 3

#### *Ankeya vële hwëtahnëk*

<sup>1</sup> Dënkwëtehnëryihni vahnë vële hwëtahnëk va fop tëfëkëhni maŵëhnënihëhni vëvë haryënkŵ va do gë vësankaf nkal va. Tëfëkëhni maŵëhnënihëhni do këbënani ntindëni fop vile ye vifërën va. <sup>2</sup> Antë njewëndëni do kehani antë conkëndëni, bare përenani do tufahnëndëni kwëlëkwël sakahn hagukah gë cape vëŷënta hni fop.

<sup>3</sup> Fuhnë fëna, kobëri ŋa wadëhn yeyinëko, maŵëhnëdelënaŵohna Wënu ŋa, hn'idënt hna nkeyinëko do vëramp iña meh ŋa fop. Nkeyinëko hn'ankeya meh do hnë uñewary. Vahnë va ñewënihëfu do ñewëlinëko fuhnë dënk. <sup>4</sup> Bare, ante tufëhnako ipërëna g'inqahn Wën Afehët fu ŷa, <sup>5</sup> pehëtëkëfuno, gena soŋe vifërën visatah vile liyinëko va, bare soŋe kaŷëhnahn dëŵu ŋa ye. Pehëtëkëfu gë yarya hnagi hasëk ŷa do g'Iyir Ipacah nte yëdakëfu ankeya kasëk ŋa. <sup>6</sup> Wënu ŋa, gë uhwëhna nëf lëŵu ŵa, njëdëkëfuna inji Yir Pacah gë fere Yesu Këris Afehët fu ŷa; <sup>7</sup> koyëna, catënekëfuno gë ipërëna dëŵu ŋa

danko nuŷayin uwám usēr ule hnapēden w̃a had idēw̃. <sup>8</sup> Waŋi wanēs toña ye do ñadēfu ayawēn d̃us mē kahnēndadēni fop vēle hwētahnēka Wēn va hnē vantiyehn vapērēn hna. Umē ye ile fērēnak do hwēhnak nafa ŷa soŋe vahnē fop.

<sup>9</sup> Bare kehary vankwajēla vanēnkwah gē idēkw vacērakēlo gē wasonko do gē vankwajēla soŋe sariya, kabi watac wanēsar fo ye do kwēhnana nafa. <sup>10</sup> Ale fitēndēlehnēdēhēhni vahnē ŷa, yēdaryehna uhnira ryēnkwer̃yēnk, ge mawēna, niraryehna higēna, ge ŋwēŷēk, daryehna. <sup>11</sup> Njētēru, iŷi sifa ahnē arumpak ye do ge nkok menēnd, tufand umē dēnk wēnad.

<sup>12</sup> Wati nte payendidēmina Arētemas ma Tisik, yij ñap arēkato Nikopolis hna, kabi hnam pēhnabu liwu aryaf a. <sup>13</sup> Pēhwētānēhnēryihni d̃us uyas w̃a vēhni Senas ahitiŋ a gē Apolos, soŋe antē nkojēhni iñē. <sup>14</sup> Tēfēka vēlēw̃ fu va fēna kahnēndani hnē uli fērēn w̃a, soŋe pabēni wēbal wante nēfahnēdēhēhni vahnē va do koyēna vēyodīna uwám uheyah.

<sup>15</sup> Fop vēle yebun g'ami va nkaŷēryidēnihi. Gaŷēhēhni vēle ŷadēhēfu hn'ikwētahn hna. Arabi ipērēna Wēnu ŋa nke hnē w̃uhnē fop.

**Vikerëh Vikasëk Wën gë Wapëgwala  
Wamey: Vikerëh Vikasëk Wën gë Wapëgwala (New  
Testament+)**

copyright © 2018 Wycliffe Bible Translators, Inc.

Language: (Wamey)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 21 Feb 2024 from source  
files dated 29 Jan 2022  
f961026b-f72f-5bd7-9f75-efa7f932577e